


# Taksat e Mjedisit në Shqipëri

## Viti 2015

**Tiranë, më 12 Korrik 2017:** Në 2015, të ardhurat nga taksat mjedisore arritën në vlerën e rreth 40 miliardë lekë, duke pësuar rënie me 10,3 %, krahasuar me vitin 2014, ndikuar kjo kryesisht nga rënia e të ardhurave nga taksat e energjisë. Vlera e taksave të mjedisit në periudhën 2008 - 2015 është rritur mesatarisht 4,7 %.

**Fig. 1 Të ardhurat nga taksat mjedisore**



**Tab. 1 Të ardhurat nga taksat mjedisore sipas llojeve**

(milionë lekë)

Viti	2008	2009	2010	2011	2012	2013	2014	2015
Taksat e Energjisë	21.699	21.782	24.684	26.693	24.578	25.057	27.312	22.412
Taksat e Transportit	7.400	7.915	7.566	7.240	10.290	10.461	14.892	15.709
Taksat e Ndotjes	159	174	542	1.848	1.878	1.853	1.889	1.439
Taksat e Burimeve Natyrore	17	15	12	10	9	11	14	7
<b>Totali</b>	<b>29.274</b>	<b>29.885</b>	<b>32.804</b>	<b>35.791</b>	<b>36.755</b>	<b>37.383</b>	<b>44.107</b>	<b>39.567</b>

Nga struktura e të ardhurave të taksave mjedisore për vitin 2015, taksat e energjisë zënë pjesën më të madhe të të ardhurave me 56,64 %, të shoqëruar nga taksat e transportit 39,7 %, taksat e ndotjes me 3,64 % dhe taksat e burimeve natyrore me 0,02 %.

**Për publikim 12/07/2017**

Në vitin 2015, krahasuar më një vit më parë, të ardhurat nga taksat e transportit janë rritur me 5,94 % ndërkohë që të ardhurat nga taksat e energjisë janë ulur me 5,28 % dhe të ardhurat e taksave të ndotjes dhe burimeve natyrore janë ulur me 0,66 %.

**Tab. 2 Struktura e të ardhurave nga taksat mjedisore sipas llojeve**

Viti	2008	2009	2010	2011	2012	2013	2014	2015
Taksat e Energjisë	74,12	72,88	75,25	74,58	66,87	67,03	61,92	56,64
Taksat e Transportit	25,28	26,48	23,06	20,23	28,00	27,98	33,76	39,70
Taksat e Ndotjes	0,54	0,58	1,65	5,16	5,11	4,96	4,28	3,64
Taksat e Burimeve Natyrore	0,06	0,05	0,04	0,03	0,03	0,03	0,03	0,02

Në periudhën 2008-2015, pesha mesatare e të ardhurave nga taksat mjedisore ndaj Prodhimit të Brendshëm Bruto (PBB), është 2,77 %. Në 2015, pesha e të ardhurave nga taksat mjedisore ndaj PBB është 2,77 %, duke pësuar një rënie me 0,39 %, krahasuar me 2014.

Të ardhurat nga taksat mjedisore për periudhën 2008-2015, zënë mesatarisht 11,78 % të totalit të të ardhurave tatimore dhe kontributeve shoqërore. Në vitin 2015, të ardhurat nga taksat mjedisore përbëjnë 11,56 % të totalit të të ardhurave tatimore dhe kontributeve shoqërore duke pësuar një rënie me 1,57 %, krahasuar me 2014.

**Tab. 3 Të ardhurat tatimore mjedisore**

Viti	2008	2009	2010	2011	2012	2013	2014	2015
Pesha që zënë të ardhurat e taksave mjedisore ndaj Prodhimit të Brendshëm Bruto(PBB)	2,71	2,61	2,65	2,75	2,76	2,77	3,16	2,77
Pesha që zënë të ardhurat e taksave mjedisore ndaj taksave në total dhe kontributeve shoqërore	11,07	10,37	11,37	11,78	12,22	12,47	13,13	11,56

2014\* Finale PBB  
 2015\*\* Gjysmë-finale PBB

# Shënime metodologjike

## Përkufizime

### Llogaritë e taksave të lidhura me mjedisin

Taksat mjedisore konsiderohen si një instrument ekonomik për të kontrolluar ndotjen dhe menaxhimin e burimeve natyrore dhe ato janë konceptuar për të ndikuar në sjelljen e bizneseve, prodhuesve dhe konsumatoreve. Taksat mjedisore janë pjesë e llogarive ekonomike në mjedis, pjesë e një sistemi satelitor të llogarive kombëtare.

Të dhënat e taksave mjedisore janë siguruar nga Ministria e Financës. Të dhënat e taksave të energjisë, transportit, ndotjes, dhe burimeve natyrore janë subjekt rishikimi. Për më shumë referohu: <http://www.instat.gov.al/al/rreth-nesh/cilësia-statistikore.aspx/> Politika e revizionimit statistikor.

Në vazhdim janë katër grupime të mëdha të taksave të mjedisit:

#### 1. Taksat e energjisë

Taksat e energjisë (duke përfshirë karburantin e makinave) përfshijnë taksat mbi prodhimet e energjisë në vend, si dhe prodhimet e energjisë që përdoren edhe për qëllime të transportit. Këtu përfshihen edhe tatimet mbi bio-karburantet dhe format e tjera të energjisë nga burimet e rinovueshme, si dhe taksat mbi rezervat e produkteve të energjisë.

#### 2. Taksat e Transportit

Taksat e transportit (me përjashtim karburantin e makinave) i referohen kryesisht taksave të lidhura me pronësinë dhe përdorimin e automjeteve. Këto taksa përfshijnë edhe taksat mbi mjetet e tjera të transportit (si avionët, anijet dhe trenat, etj ) dhe shërbimet e tyre.

#### 3. Taksat e Ndotjes

Taksat e ndotjes përfshijnë emetimet e matura në ajër dhe shkarkimet në ujë, menaxhim të mbetjeve të ngurta dhe zhurmës etj. Përfshihen këtu tatimi mbi emetimin e CO<sub>2</sub>, i cili mbulohet nga kategoria taksave të energjisë.

#### **4. Taksat e Burimeve Natyrore**

Taksat e burimeve natyrore përfshijnë taksat për nxjerrjen apo shfrytëzimin e burimeve natyrore (ujë, pyje, kafshë të egra, etj)

TVSH dhe taksat e tjera nuk përfaqësojnë një taksë me ndikim direkt parandalues ose frenues të produkteve që dëmtojnë mjedisin, si dhe nuk përdoret në forme ekskluzive për mbrojtjen e mjedisit. Si rezultat këto taksa janë të përjashtuara nga këto vlerësime.

Lista kombëtare e taksave paraqet pikënisje për vlerësimin e të ardhurave nga taksat mjedisore. Metodologjia e përdorur për llogaritjen e tyre është bërë në përputhje me Rregulloren (BE) Nr 691/2011 dhe udhëzimet e Eurostat: "Taksat mjedisore, një udhëzues statistikor". Këto të dhëna janë të harmonizuara me Sistemin Evropian të Llogarive Ekonomike (ESA 2010).